


اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلتیق شرطیله ۴۰، طشره لره پوسته
اجرتیله برابر ۶۰ غروشدرد.

مجله اولنور

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلمزمه موافق آثار قبول اولنور.
درج ایدلین اوراق اعاده اولماز.

•••••

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

ده کی اهالی به نسبتله آمریکا اقوامنک طرز تغدیلری دها باشقه یوله در . آمریکا بر قطبدن دیگر قطبه قدر امتداد ایتش واسع بر قطعه اولوب یوکسک سلسله لر، کنیش یایلار، دوز اووالر شرائط اقلیمه سی حس ایدیه جک صورتده تعدیل ایله مشدر . قدیم مکسیقا و پورو اهالیسی بوشرائط اوروغرافی سایه سنده مکمل و منتظم حکومتار تشکیل ایتشاردر .

آمریکا قطعه سنک کشفندن اول مکسیقا و پورو اهالیسی پولنیزیا ده اولدینی کبی یالکز نباتات ایله تعیش ایدرلردی . اوروپاده معلوم اولان حبوبات بو طرفلرده مجهول ایدی . مشاهیر ارضیونندن علیکساندر دوهمبولدک روایت کوره بوکون یتهر اقالیاته اهالیسنک باشلیجه ما کولاترندن اولان موز آغاجی او زمانلرده معلوم دکلدی . ینه مومی الهک بیانه نظر آ موز آغاجنک میوه سی بغدادیه نسبتله یوز اوتوز اوچده بر، یر الماسنه نسبتله قرق درنده بر راده سنده در . حبو - باتدن یالکز مصر داریمی مکسیقا ایله پوروده زراعت ایدیلر و اهالینک باشلیجه غداسی تشکیل ایدردی . بوندن باشقه طبیعونک قونولولوس باناس، اوقسالیس توبه روزا، دبوس قوره آ - آلتا، یاتروقا مانهوت تعبیر ایتدکاری نباتات ایله قاقانو میوه سی، برآ و بحرآ صید ایدیلان حیوانات، هندی و حیوانات ثیدیه مکسیقاده بولنان برجنس کوپک باشلیجه ما کولاتدن ایدی . فدرانده زک روایت کوره، کشفندن اول مکسیقاده بولنان اوچ جنس کوپک اوروپا کوپکلرینه قارشى رقابت حیات ساقه سیله صوکردهن محو و منقرض اولشاردر . دی یاز پولنیزیا کوپکلرینه یک چوق بکزمین بو حیوانانندن بر دانه سی کورمهش واتندن یشدر .

مکسیقاده جاری اولان عادات و عماراته تماماً معکوس بر مدینه مالک اولدینی ظن

ایدیلن پوروده یر الماسیه شنه بودیوم کوئی نوآ دینیلن نباتات زرع ایدیلر و لاما و آلباقا تعبیر اولنان حیوانات کال دقتله یتشدر یلیردی . پورو و مکسیقا حکومت قدیمه سنک بولندینی اراضی معتدله مستثنا اولق اوزره اوروپا یلیرک ووردندن اول آمریکا قطعه سنده ساکن اولان اقوام وحشیه طرفندن شوراده بوراده و میسیسیپی واورده نوک نهرلری حوضه لرنده بعض نباتات زرع اولنور ایدیه سده تانیس ایدیه مین و ذاتاً اغدیه حکمنده اولمایان "بون نباتاتک او درجه اهمیتیه اوله میسه جنی درکاردر . قبائل مذکوردهن اکثری صید بحری وبری ایله تعیش ایدرلردی چونکه بو طرز تعیش اساساً قولای اولدینی کبی حال وحشته یک الیرشیدر .

خط استواندن اوزاقلاشدجه مدنی اولمایان ممالکده باشلیجه اغدیه نکت نباتاتدن عبارت اولدینی کورولور . مثلاً شمالی آمریقناک واسع چایرلرنده ساکن اولان انسانلر یالکز یزون تعبیر ایدیلن بر نوع وحشی حیوانک اتیه یاشارلر . یک وکچی بی اغدیه دن عد ایتک لازم کلیر سده یرلیر فوق العاده براحتیاج حس ایتدکجه کندیلرینی ییه جک وکجه تدارکندن مستغنی عد ایدرلر .

راهب دومنخک روایت کوره، سن لوئی شهرنده ۱۸۴۹ سنه سنده یوز اون بیك اوکوز، کچی وکیک دریدی صاتیشدر . آمریکا قوم پانیلری سنوی طقسسان بیك اوکوز دریمی مبیاعه ایتدکده درلر . کشفندن اول شمالی آمریکا آروقاتیا و پاتاغونیا سکنه سی قیرمزی وحشیلر کبی ماجلانی بوغازینه قدر اولان اراضی وسیعده کترله صید ایدیلن بر نوع بیانی کچی صیدیه تعیش ایدرلردی . بوکون اوروپا اتلری و اینسکاری آمریکا صحرالزنده کترله یتشدر یلمکده و کشفندن یک چوق مقدم تأسیس ایدلمش

اولان غوا آناق ایله طبیعونک ره آ آمریکا نا تعبیر ایتدکاری بر نوع دوه قوشی صید ایدیلوب یشکده در .

آمریکا قطعه سنک اک صوکه نقطه لرنده نباتات و حیوانات ثیدیه اندردر . بورالزده ساکن اولان اهالی صید ایتدکاری حیوانات و دکر دن طوطقلری بالقبر ایله تعیش ایدرلر . ده شخالده اقامت ایدن اسکیمولر فوق و بالینا بالقلری و مختلف الجنس اسماک و سائر حیوانات بحریه ایله تأمین حیات ایلرلر . رهن دینیلن کیکلر بورالزده اهلی حالنده اولوب اسکیمولرک باشلیجه ما کولاتیدر .

عقلاً شمالی آمریکا اسکیمولرینک مادوننده اولان فوئه جار کوپکدن باشقه اهلی حیواناته مالک اولما دقلرندن قوقش بالینا یالقلری و حیوانات بحریه ایله تعیش مجبوریتنده بولنورلر . ارض الازده بعض اثمار عینیه و شکر طعمنده و لعابی حاوی منظارلردن باشقه قابل اکل نباتات یوقدر .

﴿ آسیاده طرز تعدی ﴾

آسیا قطعه سی ارض الناره نسبتله ارض موعود حکمنده در . شمعی به قدر بحث ایتدکجه ممالکده نه درجه مشکلات و ضرورتله تأمین حیات ایدلرینی سوبله مش ایدک . بوراده حیواناتک، اوراده نباتاتک ندرتی واردی . آسیا قطعه جسمیه سی هیأت عمومیه سنه نظر آ طبیعتک اک زیاده مساعده سنه مظهر اولدیغنده شبهه یوقدر . آسیاده هر اقلیمه مخصوص اولان نباتات، انسانلرک احتیاجات طبیعیه لرینه یک چوق خدمت ایدن حیوانات یک مبدولدر . فقط بتون بو حیوانات و نباتات هر ممالکک شرائط اقلیمه و ایجابات موقعیه سنه کوره بالطبع بر طرفده ده آز دیگر یرده ده چوقدر . هندوستانده و هند چینک بعض طرفلریله جاوا، صوماترا و بورنه نو آطه لرنده هندستان جویری ایله اتمک آغاجلری موز

وطاتلی پاتاس (قونولولوس پاتاسی) پک چوقدر . علی الخصوص خزمانک متعدد جنسلی، ماله زلرله پاپولرک باشلیجه ماکولا- تنیدن اولان وساغو دینیان خرما آغاجی مبدولدر . ماله زلر و چینیلیر، هندولرله شمالی آسیا اقوامی کبی پرنج زرع واکل ایدرلر ؛ چین سکنه سی زراعت ایله مشغول ایسه لرده حقیقت حالده مختلف نباتات و حیوانات ایله تعیش ایتمکده درلر ؛ دوموز ، فاره ، میون ، تمساح ، مرکب بالنی ، قیرلانچ قوشی یوواسی او طرفده اک مقبول اغدیه دندر . اسکی مونغوللرک باشلیجه مشغول اولدقلری چوبانلق بوکون چینیلیر نزدنده اک مکروه برصنقدر . سودجیلک ده نظر نفرته کورولور ؛ یالکز چین اطباسی اختیارلعه قارشى قادین سودینی توصیه ایتدکلرندن ، بزم آکلایامادیغیز غریب برسودجیلکی چینیلیر پک اغلا بیلیرلر .

نسلاً چینیلیرک اقاربندن اولان مونغوللر - که شمالی آسیانک واسع و منبت اووالرنده ، یایلارلرنده کوچه حالنده یاشارلر - زراعت بونلر نزدنده کلیاً مجهولدر . بونلر قویون اتی و سودیله ، علی الخصوص مختلف صورتده احضار ایدیلن قیسراق سودی وتره یاغیله تعیش ایتمکده درلر .

دهاشمالده ساکن قامچاققالیلر و سامونلر کبی شبه مونغوللر ، هم جنسلی اولان آذربیکا اسکیمولریله آوروپاده بولنان لاپونیالیلر طرزنده فوق وبالینا بالقاریله و سود ویک اتیله یاشارلر . او طرفلرده کوکلی نباتات یوق حکمنده در . یالکز زهرلی برنوع مانطار حاصل اولور ، که یریلر بوندن برمایع مسکر چیقاریرلر . بونلره فن محبت البشرده آکل السمک نامی ویریلر ؛ باشلیجه خاویار ایله تعیش ایدرلر .

آسیاده عرق ایضه منسوب اولان اقوام ایله آریلر و سامیلر یالکز هندستانک شمال طرفلرینه و افغانستان ، ایران ، اناتولی

و عربستان قطعه لرینه مستولی اولمشلردر . بو قطعه وسیعنه اکقسام سائره سی عرق اصفره منسوب اقوام ایله مستورددر . عرق ایضک ساکن اولدیغی قطعا نده بولنان اهالی اوروپاده یتیشن حبوبات و حیوانات اهلیه ایله تعیش ایدر . بویله اولمقده پک طبیعیدر : چونکه آسیانک بو طرفلریله آوروپا آراسنده یالکز جغرافیا نقطه نظرندن بر فرق کورولور .

دها طوغروسى اوروپا قطعه سی شرقدن کلن مهاجرلرله مسکوندر . آسیادن هجرت ایدن بو اقوام قدیمه مملکتلرنده چیقان حبوباتی و حیوانات اهلیه لرینی برابر کتیرمش اولدقلرندن بونلری بو طرفلرده یتشدر .

مشلردر . یالکز رهن تعبیر اولنان کیکلر ایله بعض اهمیتسز نباتات و حبوباتی شو حالدن استثنا ایدیه بیلیرلر . اوروپاده بولنان حیوانات اهلیه جنسلی اعتباریله پک چوق تغیراته اوغرا مشلردر . بونلرک بعضلری (آت ، اوکوز و کچی کبی) الیوم بت یایلارلرنده حال وحشته یاشارلر . موسیو پرهیه والسکی بوراده یابانی دوهیه بیله تصادف ایتدیکنی سویلر . افغانستاندن اعتباراً غربه طوغرو کیدیلیرسه اوروپایه مخصوص اولان نباتات و اشجار عمره و حبوبات و حیوانات اهلیهیه همان هر یرده تصادف ایدیلیر . بورالرده انسانلر علی العموم زراعتله و یتشدر دکلری اهلی حیوانات ایله تعیش ایدرلر . کشمیرده اوروپاده نشوونما بولان نباتات و چچکلرک ، اشجار ثمره نک همان کافه سی موجوددر .

آسیاده عرق ایضه منسوب اولان اقوام زراعتله تأمین حیات ایتمکده درلر .

مسیمه ظم

باروده شهری حقنده معلومات

کچنلرده شهر شهرمزی و بالخاصه ذات اقدس جناب جهانبانی زیارت ککش اولان (غایقوار) حضرتلرینک الیوم اجرای حکومت ایتمکده اولدقلری (باروده) شهری حقنده بعض معلومات اعطاسی فائده دن خالی اولماغله بوجه اتی عرض اولنور :

هندستانک شمال غربیسنده (کوچرات) نامیله موسوم شبه جزیرینی تشکیل ایدن (بارود) حکومتک مرکز اداره سی اولان (باروده) شهری (قامبای) کورفری منتهاسنده و (بومبای) ک (۳۷۰) کیلومتره شمالنده واقع اولوب هواسی اولدقجه و خیدر . شهر داخله و یکدیگرینه قائماً ایکی بیوک جاده ایله درت محلهیه تقریق ایدلش اولوب خانه لری هر نقدر غیر منتظم بر حالده ایسه ده موجود اولان برخیلی آثار عتیقه ایله معبدلری و خسته خانه لری شهرک تریناتنه خدمت ایتمکده در . جوارده صو منبعلری بولغدیغندن شهرک داخلنده اهالینک احتیاجاته کافی بیوک وکنیش صو شهرنجلری موجوددر . شهر مذکورک ۱۸۷۱ سنه سننده کی نفوس موجوده سی ۱۰۲,۰۵۷ دن عبارت اولوب بونلردن ۱۹,۱۲۸ ی اسلام و ۸۲,۹۲۹ ی پتپرستدر . اشبو نفوسک مقداری ۱۸۸۱ سنه سننده ۱۰۱,۸۱۸ راده سنه تنزل ایتمشدر .

سلیانه آصف